

Ilanngutaq 1: 2016-imi pisassat pillugit siunnersuut ICES-imiit NAFO-miillu.

Kalaallit Nunaata imartaani saarullit pillugit siunnersuut siullermersumik imatut immikkoortulersorneqarsimavoq 1.a *Kalaallit Nunaata Kitaani sinerissap qanittuani saarullit*, 1.b *Tunumi Kitaanilu sinerissap avataani saarullit* (Nunap Isuaniit Qaqortup Kangerluanut (NAFO 1F)) aamma 1.c *Kalaallit Nunaata Kitaani sinerissap avataani saarullit* (Qaqortup Kangerluata avannaani).

2016-imut siunnersuummi aalisakkat makku Kalaallit Nunaannut attuumassutillit pineqarput

1. *Sinerissap avataani qalerallit sumiiffinni Tunu, Island aamma Savalimmiut*
Siunnersuutigineqarput 22.000 tonsit. 2015-imut siunnersuutigineqarsimapput 25.180 tonsit. Aalisagaaqqat perortussat 2013-imiit 2014-imut appariarsimanerat siunnersuutigineqartut ikinerunerannut pissutaavoq, ikilerisimanerallu pisassiissutitigut (islandimiunut) ilisimatuutullu misissuineritigut takuneqarsinnaavoq.
2. *Qalerallit sinerissap avataani Davis Strædemi (Canada avitseqatigalugu)*.
Siunnersuutigineqarput 14.000 tonsit (siorna siunnersuutigineqartut amerlatigisut).
2014-imi pisat tamarmiusut 15.164 tonsiusimapput (Kalaallit Nunaata imartaani: 8.151 tonsit).
3. *Qalerallit Baffin Bugtimi sinerissap avataani (Canada avitseqatigalugu)*.
Siunnersuutigineqarput 16.000 tonsit (siorna siunnersuutigineqartut amerlatigisut).
2014-imi pisat tamarmiusut 15.919 tonsiusimapput (Kalaallit Nunaata imartaani: 7.985 tonsit)
4. *Qalerallit sinerissap qanittuani*
Namminersorlutik Oqartussat qinnuteqarnerat tunngavigalugu Qeqertarsuup Tunuani Uummannaq Upernavimmilu ukiut 2015 aamma 2016 pillugit ukiuni marlunni atuuttussamik siunnersuuteqartoqarpoq. Paasissutissat 2014-imeersut siunnersuutip 2016-imi allanngortinnissaa pisariaqalersinngilaat.
 - a. *Qeqertarsuup Tunua*
Siunnersuutigineqarput 8.000 tonsit (siornatut amerlatigisut). 2014-imi pisatt tamarmiusut 9.200 tonsiusimapput.
 - b. *Uummannaq*
Siunnersuutigineqarput 6.000 tonsit (2011-12-imi siunnersuutigineqarsimapput 5.000 tonsit) 2014-imi pisat tamarmiusut 8.200 tonsiusimapput.
 - c. *Upernavik*
Siunnersuutigineqarput 6.300 tonsit (ukiuni siuliini siunnersuuteqanngilaq). 2014-imi pisat tamarmiusut 7.400 tonsiusimapput.
5. *Suluppaakkat suallit (S. mentella) Tunup imavimmut itiseriarnerani*
Siunnersuutigineqarput 2.240 tonsit. 2015-imut 3.500 tonsit siunnersuutigineqarsimapput. 2010-imiit ukiumut 6.000 missaannik pisaqartoqartarsimavoq. Ilisimatuutut misissuineritigut ikiliartornerat malunnarpoq, 2012-imiillu nutaanik suffisoqarsimaneranik malunnartoqanngilaq.
6. *Suluppaakkat angisuut (S. norvegicus) Tunumi Islandimilu*
Siunnersuutigineqarput 51.000 tonsit. 2015-imut 47.300 tonsit siunnersuutigineqarsimapput. Aalisagaaqqat perortussat ukiuni 20-ni kingullerni amerliartortuarsimapput. 2014-imi Tunumi 2.700 tonsit pisarineqarsimapput (ICES XIV).

7. *Kalaallit Nunaata Kitaani aalisakkat allat*

Siunnersuutigineqarpoq h isingit, nimiit, tupissutit, kapisillit suluppaakkallu Kalaallit Nunaata imavimmut itiseriarneraniittut ukiuni qaninninnermi toqqaannartumik aalisarfigineqanngikkallassasut. Tamakkua ikkannersuarni perortussartaasa pitsanngoriartornerinik malunnartoqanngilaq - qeeqqat eqqaassanngikkaanni, tamakkua perortussartaasa ukiuni kingullerni pitsanngoriartornerat malunnarami. Taamaattumillu ikkannersuit qeeraqaqqilerumaarnerat neriunaateqarpoq.